



Na osnovu člana 20a. Zakona o radu Federacije Bosne i Hercegovine („Službene novine Federacije BiH“ br. 26/16, 89/18, 44/22), čl. 3. u vezi sa članovima 6. i 7. Uredbe o postupku prijema u radni odnos javnom sektoru na teritoriji Kantona Sarajevo („Službene novine Kantona Sarajevo br. 19/21,10/22), člana 13. Jedinstvenog Pravilnika o radu Univerziteta u Sarajevu broj: 02-89/19 od 19.09.2019. godine, Odluke Vlade Kantona Sarajevo broj 02-04-42154-22/22 od 13.10.2022. godine, Univerziteta u Sarajevu - Pravni fakultet raspisuje

JAVNI OGLAS za prijem radnika u radni odnos

1) VIŠI SAMOSTALNI REFERENT ZA INFORMATIKU **1 izvršilac, puno radno vrijeme, na neodređeno vrijeme**

Uslovi:

Pored općih uslova utvrđenih Zakonom o radu („Službene novine F BiH“, broj: 26/16, 89/18, 44/22), kandidati trebaju ispunjavati i sljedeće posebne uslove:

- SSS/IV stepen stručne spreme, četvorogodišnja srednja škola općeg ili tehničkog usmjerenja
- 1 godina iskustva na istim ili sličnim poslovima,
- znanje engleskog jezika ili drugog stranog jezika.

Mjesto obavljanja rada:

Univerziteta u Sarajevu - Pravni fakultet, Obala Kulina bana 7, 71000 Sarajevo

Iznos osnovne plaće neto: 1.155,00 KM

Radno vrijeme:

08:00 – 16:30 (ponedjeljak – petak)

Opis poslova:

- briga o funkcionalnosti primijenjenih programskih rješenja, pouzdanosti i zaštiti podataka,
- odgovornost za sigurnost informacijske infrastrukture,
- vođenje evidencije raspodjele i korištenja kompjuterske opreme i licenciranih softvera,
- pružanje podrške korisnicima prilikom rada na mreži,
- održavanje i servisiranje lokalne mrežu,
- obavljanje poslova održavanja osobnih kompjutera, te instaliranja programskih paketa,
- obavljanje godišnjeg popisa kompjuterske, mrežne i programske opreme,
- organiziranje popravki i servisa opreme, osiguravanje ispravnosti i dostupnosti tehničkih pomagala u nastavi,
- ažuriranje i održavanje web stranice Fakulteta,
- obavljanje i drugih poslova po nalogu Uprave fakulteta.

**Potrebni dokumenti (original ili ovjerene kopije):**

- vlastoručno potpisana prijava na javni oglas
- kratka biografija/CV
- uvjerenje o državljanstvu (ne starije od 6 mjeseci)
- izvod iz matične knjige rođenih
- diploma o završenoj četvorogodišnjoj srednjoj školi općeg ili tehničkog usmjerenja (SSS/IV stepen stručne spreme)
- dokaz o radnom iskustvu na istim ili sličnim poslovima za traženu radnu poziciju (potvrda poslodavca)
- ovjerenu izjavu da nije otpušten/a iz organa uprave ili javne ustanove kao rezultat disciplinske mjere
- dokaz o znanju engleskog ili nekog drugog svjetskog jezika.

NAPOMENE:Probni rad

- Za navedene pozicije je obavezan probni rad u trajanju od 3 (slovima: tri) mjeseca;

Provjera znanja

- **Sa kandidatima/kinjama koji budu ispunjavali posebne uslove, obaviti će se pismeni i usmeni ispit.**
- **Kandidati/kinje mogu kod poslodavca preuzeti pitanja za pismeni ispit, listu propisa i literature iz oblasti iz kojih će se polagati usmeni i pismeni ispit, a iste mogu pronaći i na web stranici poslodavca - <https://www.pfsa.unsa.ba>**

Prednost u zapošljavanju po posebnim propisima

Prioritet u zapošljavanju imaju osobe obuhvaćene članom 23. Zakona o dopunskim pravima boraca/branitelja Bosne i Hercegovine ("Sl. novine Kantona Sarajevo", br. 31/22). Kao dokaz da su obuhvaćeni ovim zakonom, kandidati/kinje, uz prijavu na Javni oglas prilažu i odgovarajuće dokumente (potvrde, uvjerenja i sl.), a odabir ovih kandidata/kinja vršit će se u skladu sa Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo, općinama u Kantonu Sarajevo („Službene novine Kantona Sarajevo“ broj: 37/20, 27/21), te Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo, općinama u Kantonu Sarajevo („Službene novine Kantona Sarajevo“ broj: 38/20, 28/21).

Kandidati/kinje ostvaruju pravo na prioritet u zapošljavanju ukoliko ispunjavaju jedan od sljedećih uslova: da se nalaze na evidenciji nezaposlenih osoba JU Služba za zapošljavanje KS ili da su zaposleni sa nižom stručnom spremom od one koju posjeduju, ili da su zaposleni po osnovu ugovora o radu na određeno vrijeme. Pored ispunjavanja jednog od navedenih uslova, kandidati moraju imati prebivalište/boravište u Kantonu Sarajevo.



Kako bi dokazali naprijed navedeno, kandidati/kinje trebaju dostaviti:

- Dokaz da se nalaze na evidenciji nezaposlenih osoba JU Službe za zapošljavanje KS (Uvjerenje sa biroa ne starije od datuma objave oglasa) ili dokaz da su zaposleni sa nižom stručnom spremom od one koju posjeduju (Potvrda poslodavca sa obaveznom naznakom stručne spreme s kojom je radnik zasnovao radni odnos kod poslodavca ne stariji od datuma objavljivanja javnog oglasa) ili dokaz da su zaposleni na određeno vrijeme (Potvrda/Uvjerenje poslodavca da je radni odnos zasnovan na određeno vrijeme ne starija od datuma objavljivanja javnog oglasa).
- Prijavu prebivališta/boravišta (CIPS prijava) u KS ne stariju od 3 mjeseca od dana izdavanja od nadležnog organa.
- Dokumentaciju kojom se dokazuje status korisnika prava

*Popis dokumentacije kojom se dokazuje status korisnika po predmetnoj Uredbi:

Redni broj:	Pripadnost branilačkoj kategoriji	Naziv dokaza-dokumenta	Organ koji ga izdaje
1.	Član porodice šehida/poginulog, umrlog i nestalog branioca	Uvjerenje o statusu djeteta šehida-poginulog, umrlog i nestalog branioca Rješenje o priznatom pravu na porodičnu invalidninu za suprugu šehida- poginulog, umrlog i nestalog branioca i Uvjerenje o učešću u Oružanim snagama za šehida-poginulog, umrlog i nestalog branioca	Općinska služba za boračko-invalidsku zaštitu Grupa za pitanja evidencija iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko-invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko-invalidsku zaštitu
4.	Demobilizirani branioci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i	Uvjerenje o statusu djeteta ratnog vojnog invalida	a) i b) Općinska služba za boračko-invalidsku zaštitu



	odlikovanja c) demobiliziranog branioca	Rješenje o priznatom pravu na: a) invalidninu b) mjesečni novčani dodatak c) uvjerenje o učešću u Oružanim snagama	c) Grupa za pitanja evidencija iz oblasti vojne obaveze prema mjestu prebivališta
6.	Supruge ratnih vojnih invalida	Uvjerenje o statusu supruge ratnog vojnog invalida – Rješenje o priznatom svojstvu na invalidninu	Općinska služba za boračko - invalidsku zaštitu

Način i rok predaje prijava

Vlastoručno potpisane prijave sa potrebnom dokumentacijom i kraćom biografijom (ime i prezime, broj telefona, e-mail adresa, tačna adresa stanovanja) se dostavljaju u zatvorenoj koverti sa naznakom „NE OTVARAJ - PRIJAVA NA JAVNI OGLAS“, **u roku od 10 (deset) dana** od dana objave ovog oglasa u dnevnim novinama, te na internet stranicama: Univerziteta u Sarajevu - Pravnog fakulteta (<https://www.pfsa.unsa.ba>), Univerziteta u Sarajevu (<https://www.unsa.ba/>) i Službe za zapošljavanje Kantona Sarajevo (<https://szks.ba/posao/>), lično ili preporučenom poštom na adresu sjedišta poslodavca:

**UNIVERZITET U SARAJEVU
PRAVNI FAKULTET
Obala Kulina bana 7
71000 SARAJEVO**

O rezultatima oglasa svi prijavljeni kandidati/kinje biće obaviješteni u pismenoj formi.

Nepotpune, neblagovremene i neuredne prijave (kopije tražene dokumentacije koje nisu ovjerene) neće se uzeti u razmatranje.

Kandidati/kinje koji budu izabrani, dužni su dostaviti uvjerenje o zdravstvenoj sposobnosti za obavljanje poslova propisanih za radno mjesto za koje su konkurisali, te uvjerenje da se protiv istih ne vodi krivični postupak.

Kontakt za dodatna obavještenja u vezi konkursa: 033/483-618 (Haris Starhonić)